

Spondeo : Laus Ac clarus Honos tot Scripta sequetur ;
 In tenebris VIRTUS vix animosa latet.

I I.

IOANNES AGRICOLA.

ἀναγρὰμ.

CORONA SANE AGILI.

DE generes animos sopor arguit: Absq; veterno
 Qui gnavi ac agiles hisce corona datur.
 Hujus scribo gregis Te, qui, Clarissime Pæon,
 Pervigil ac tenero gnavus ab ungue viges.
 Doctrinæ haut aditu primo contentus, at imo
 Insistens adyto, quæ cupis, ecce capis.
 Præses APOLLO suas Tibi faustiter explicat herbas,
 Morborum possis ut domitare plicas.
 Tartareis manes hinc mille reducis ab umbris,
 Et viduas naulo sæpè Charonta suo.
 O AGILI SANE sic puichra CORONA novatur;
 Hac fruiere ad Pylios, DOCTOR amande, dies.

I I I.

JOHANNES AGRICOLA.

ἀναγρὰμ.

GLORIA HEIC ANNOSA.

In Effigiem.

Cujus in hac tabulâ præfulget Imago? JOHANNIS
 AGRICOLÆ, medicâ sedulitate cæti.